

JAVNA USTANOVA DOM ZDRAVLJA
KANTONA SARAJEVO
GENERALNA DIREKTORICA
Broj: 01-03-4218-6/15
Dana, 28.10.2015. godine
Sarajevo, Vrazova br. 11

Na osnovu člana 38. Statuta Javne ustanove Dom zdravlja Kantona Sarajevo ("Službene novine Kantona Sarajevo" br. 40/13), člana 69. stav 2. tačka d) Zakona o javnim nabavkama ("Službeni glasnik BiH" broj 39/14) i Zapisnika Komisije za javne nabavke broj 01-08-4218-5/15 od 28.10.2015. godine, generalni direktor donosi

ODLUKU
o poništenju konkurentskog postupka
broj K-14/15

Poništava se konkurentski postupak broj K-14/15 sa predmetom nabavke zimskih autoguma za potrebe Javne ustanove Dom zdravlja Kantona Sarajevo.

Obrazloženje

Odlukom o izmjeni Odluke pokretanju postupka javne nabavke broj 01-03-4218/15 od 12.10.2015. godine, pokrenut je konkurentski postupak sa predmetom nabavke zimskih autoguma za potrebe Javne ustanove Dom zdravlja Kantona Sarajevo.

Uvidom u dostavljene ponude, Komisija za javne nabavke je u Zapisniku broj 01-08-4218-5/15 od 28.10.2015. godine, konstatovala je sljedeće:

Ponuda pouđača AS Trgovinska radnja Sarajevo nije uvezana i dostavljena u skladu sa članom 58. stav 2 Zakona o javnim nabavkama, te kao takva nije kvalifikovana u ovom postupku javne nabavke.

Analizom ponude pouđača Unitrade doo Ljubuški, Komisija je utvrdila da pouđač nije dostavio traženi dokument Obavještenje o razvrstavanju pravnog lica prema klasifikaciji djelatnosti kako je to navedeno u tački 2.2. tačka b) Tenderske dokumentacije. Takođe, ovaj pouđač dostavio je Punomoć iz koje se jasno vidi da je ovlaštenje za potpisivanje izjava za javne natječaje ograničeno na općinu Ljubuški. Navedeni nedostaci ponudu čine nekvalifikovanom.

Pouđač Guma M doo Mostar u svojoj ponudi propustio je da dostavi Obavještenje o razvrstavanju pravnog lica prema klasifikaciji djelatnosti kako je to traženo tačkom 2.2. tačka b) Tenderske dokumentacije, te se takođe nije kvalifikovao u ovom postupku javne nabavke.

Komisija je konstatovala da u postupku broj K 14/15 sa predmetom nabavke zimskih autoguma nije bilo kvalifikovanih pouđača te ponude nisu mogle biti vrednovane, zbog čega je dala preporuku generalnom direktoru da donese odluku o poništenju postupka, u skladu sa članom 69. stav 2. tačka d) ZJN, a istekom žalbenog roka da se pokrene novi postupak sa istim predmetom nabavke.

Imajući u vidu navedeno, donesena je odluka kao u dispozitivu.

PRAVNA POUKA: Ponuđač koji smatra da je ugovorni organ prekšio odredbe Zakona o javnoj nabavci, ima pravo uložiti žalbu ugovornom organu, u roku od 5 (pet) dana od dana prijema Odluke o poništenju. Žalba se izjavljuje ugovornom organu u pisanoj formi u dovoljnom broju primjeraka koji ne može biti manji od tri.

Dostaviti:

- **Unitrade d.o.o.**

Ul. Bana Jelačića bb, 88320 Ljubuški

- **Guma M d.o.o.**

Ul. Bišće Polje bb, 88100 Mostar

- **TR „AS“**

Ul. Alipašina br 193, 71000 Sarajevo

- Tehn. sekretar Komisije JN x2

- a/a



GENERALNI DIREKTOR

Prim. dr Milan Mioković
spec. porodične medicine